



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3, 7

02.02.2023թ

Որոշում թիվ 000023/21

Վարչական իրավախախտման գործի վերաբերյալ

ՀՀ պետական եկամուտների կոմիտեի նախագահի տեղակալ Արթուր Մանուկյանս՝ քննելով 06.12.2022 թվականի «հարկային հսկողություն իրականացնող պաշտոնատար անձանց աշխատանքին (ծառայողական պարտականությունների կատարմանը) խոչընդոտելու, նրանց օրինական պահանջները չկատարելու վերաբերյալ» թիվ 1518317 արձանագրության հիման վրա 19.12.2022 թվականին հարուցված վարչական վարույթը, ուսումնասիրելով 24.01.2023 թվականին կազմված «Վարչական իրավախախտման գործի վերաբերյալ» թիվ 23 արձանագրությունը և վարույթի նյութերը՝

Պարզեցի

ՀՀ պետական եկամուտների կոմիտեի հետաքննության և օպերատիվ – հետախուզության վարչության պետի 14.10.2022 թվականի թիվ 1518317 որոշման համաձայն «ՀԵԼՖԻ ՄԻԹ» ՍՊ ընկերության մոտ (ՀՎՀՀ՝ 04441145) մոտ թույլատրվել է իրականացնել օպերատիվ – հետախուզական միջոցառումներ:

ՀՀ պետական եկամուտների կոմիտեի հետաքննության և օպերատիվ – հետախուզության վարչության պետի 14.10.2022 թվականի թիվ 1518317 որոշման մեջ ընդգրկված հարկային ծառայողների կողմից 06.12.2022թ-ին կազմվել է արձանագրություն հարկային ծառայողների կողմից իրականացվող ՕՀ միջոցառումների աշխատանքը (ծառայողական պարտականությունների կատարումը) խոչընդոտելու, օրինական պահանջները չկատարելու վերաբերյալ:



Համաձայն նշված արձանագրության՝ «ՇԵՆՏԻ ՄԻԹ» ՍՊ ընկերության տնօրեն ժիրայր Կիրակոսյանին ներկայացվել է ՕՀ միջոցառում իրականացնելու վերաբերյալ ՀՕՀ վարչության պետի կայացրած որոշման քաղվածքը և առաջարկվել է հայտնել տեղեկություններ ընկերության գործունեության վերաբերյալ: Ընկերության տնօրենը հրաժարվել է տրամադրել փաստաթղթերը և հայտնել է, որ ակնկալվող փաստաթղթերը կարող է տրամադրել փաստաբան Մհեր Շահնազարյանը և տրամադրել է նրա բջջային հեռախոսահամարը (098882072): Նշված հեռախոսահամարով կապ է հաստատվել փաստաբան Մհեր Շահնազարյանի հետ, ով պատասխանել է բոլոր հարցերին և հայտնել է, որ գրություն ներկայացնեն փաստաթղթերը պահանջելու համար: 23.11.2022թ-ին գրություն է ուղարկվել Ընկերության տնօրեն ժիրայր Կիրակոսյանին հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ, տրամադրելու վերաբերյալ, ակնկալելով 5 աշխատանքային օրվա ընթացքում պատասխանել գրությամբ ներկայացված հարցերին և տրամադրել անհրաժեշտ փաստաթղթերը: փաստաբան Մհեր Շահնազարյանի կողմից 06.12.2022թ-ին ստացվել է թիվ 03/12-2022 գրությունը, որին կից ակնկալվող փաստաթղթերից ներկայացվել է միայն 10.02.2022թ-ին կնքված թիվ 2 վարձակալության պայմանագիրը, իսկ հարցերին տրվել է ոչ լիարժեք պատասխան:

«ՇԵՆՏԻ ՄԻԹ» ՍՊ ընկերության տնօրեն ժիրայր Կիրակոսյանի (ՀԾՀ՝ 1304880737, հասցե՝ Արմավիր, ք. Վաղարշապատ, Փափագյան փ. 4) կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6 հոդվածով:

Փաստի կապակցությամբ հարուցվել է վարչական վարույթ և ժիրայր Կիրակոսյանը ծանուցվել է այդ մասին:

Արձանագրությունը կազմելու վայրի և ժամանակի մասին պատշաճ ծանուցված լինելով՝ Ընկերության տնօրենը կամ նրա ներկայացուցիչը չի ներկայացել և չի ներկայացրել գրավոր առարկություն կամ բացատրություն, հետևաբար վարչական իրավախախտման վերաբերյալ արձանագրությունը կազմվել է վերջինիս բացակայությամբ:

Պատշաճ ծանուցված լինելով 02.02.2023թ-ին նշանակված վարչական իրավախախտման գործի քննության վայրի և ժամանակի մասին Ընկերության տնօրեն ժիրայր Կիրակոսյանը և/կամ վերջինիս ներկայացուցիչը չի ներկայացել:



Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182⁶ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված ստուգման հետագա ընթացքն ապահովելու համար:

ՀՀ հարկային օրենսգրքի 33-րդ հոդվածի 1-ին մասի 8-րդ կետի համաձայն հարկ վճարողը և դրա պաշտոնատար անձը պարտավոր է աշխատանքային պայմաններ ապահովել հարկային հսկողության իրականացման համար, այդ թվում՝ հարկային հսկողություն իրականացնող պաշտոնատար անձանց տրամադրել հարկի կամ վճարի հաշվարկման և վճարման համար անհրաժեշտ փաստաթղթերը, տվյալները և այլ տեղեկությունները, դրանց լուսապատճենները (լուսապատճենահանման ծախսերը կատարվում են հարկային մարմնի միջոցների հաշվին) կամ կրկնօրինակները:

Նույն մասի 10-րդ կետի համաձայն պարտավոր է չխոչընդոտել հարկային հսկողություն իրականացնող պաշտոնատար անձանց ծառայողական պարտականությունների կատարմանը, կատարել նրանց օրինական պահանջները:

Տվյալ դեպքում հարկ է նշել, «ՀԵԼՖԻ ՄԻԹ» ՍՊ ընկերության տնօրեն Ժիրայր Կիրակոսյանը, տեղեկենալով ընկերությունում իրականացվող ստուգմանը, պարտավոր էր ապահովել ստուգում իրականացնող պաշտոնատար անձանց օրինական պահանջները,

մասնավորապես, ստանալ ստուգումն իրականացնող անձանց կողմից գրավոր պահանջվող տեղեկատվությունը և ներկայացնել պահանջվող փաստաթղթեր և տեղեկություններ:

Տվյալ դեպքում, հարկային հսկողության ընթացքում «ՀԵԼՖԻ ՄԻԹ» ՍՊ ընկերության տնօրեն Ժիրայր Կիրակոսյանը խոչընդոտել է հարկային հսկողության ընթացքին, մասնավորապես՝ վերջինիս կողմից ակնկալվող փաստաթղթերից ներկայացվել է միայն 10.02.2022թ.-ին կնքված պայմանագիրը, իսկ հարցերին տրվել են ոչ լիարժեք պատասխաններ, ինչի արդյունքում էլ հարկային հսկողությունը բնականոն ընթացք չի ունեցել:

Վարույթն իրականացնող մարմինը հարկ է համարում նշել նաև, որ տվյալ դեպքում բացակայում են իրավախախտում կատարած անձի կողմից իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, և բացակայում են իրավախախտումը կատարած անձի պատասխանատվությունը մեղմացնող հանգամանքները: Նշվածից ելնելով, վարույթն իրականացնող մարմինը գտնում է, որ իրավախախտում կատարած անձի նկատմամբ նախազգուշացում վարչական պատասխանատվության միջոցի կիրառման հիմքերը բացակայում են:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244¹⁴, 281 հոդվածներով, 282 հոդվածի 2-րդ կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 182.6-րդ հոդվածի՝ «ՀԵԼՖԻ ՄԻԹ» ՍՊ ընկերության տնօրեն Ժիրայր Կիրակոսյանի նկատմամբ կիրառել վարչական տույժ՝ նշանակելով տուգանք 250 000 ՀՀ դրամի չափով:



Ծանոթություն. Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում նախապես ակտով առաջադրված տուգանքը չվճարվելու դեպքում, ենթակա է հարկադիր կատարման: Սույն վարչական ակտն ընդունված է համարվում ստորագրվելու օրվանից, ուժի մեջ է մտնում հանցագործության իրագրվելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով: